

溫州府圖書館藏

新 詩 十 卷 三 冊

温州市图书馆

75.44
索书号码 4036.3

登记号码 08802

共3册

浙西村人诗十三卷

共 3 册 存 3 册 排架号 08042

壽昌偏耆攷訂少而學詩託體不尊老尤淺率自喜以其
便於懶漫也今觀尊集處處得事外致而無枝游曼衍之
談實處含元氣入無間而無晦澀艱深之病童少之作遣
詞閎麗而趣猶羃至竹西後詩則脫去樵癡之迹動與古
會漸入簡淡而指殊深矣此功候年力之異不可強爲也
世士強爲之故僞體百出矣宋郭若虛論畫有曰意在筆
先筆周意內又曰內自足然後神閒意定神閒意定則思
不竭而筆不困也是說也可以喻作者之詩然此中消息
存乎學道養氣漸至出其餘事充實不能自己詩又惡足
以盡之哉癸未三月旣望老友七十退叟長沙周壽昌識

飲

四

不

木雁何曾出處縣東西飛背亦相憐桐溪夜雪千梅樹鑑
曲秋風一葉船君左掾曹猶歎詠我憑村學送華顛一臺
二妙誰相問同是醯鷄甕裡天會稽李慈銘

談笑與人殊白科此中空洞腹真蟠何妨遊戲隨方朔終
欲煙波狎志和秀水趙銘

莊生中白怛化戴君高子天之子能鳴青玉絃輦下栖遲淹歲

月漸西歌嘯攝雲烟爭禁遼鶴千年感君丁艱時多解脫

天龍一指禪譚子天南望寥廓兼懷仲修爰居未肯啄腥

羶金壇馮煦

高三十五今宿草伯足直牧往時屢道爰生奇薛若學人適我

願誅蕩詩史非君誰槍榆庸恤鵠鳩笑栖棘祇憐鸞鳳姿
正賴使圖訂方國漫將海棗斥安期長洲王頌蔚

此士不今有曠世一遇之炎天抱冰雪苦志娛文辭手作
天馬馳心窮溟漲窺不知人世短長意攀皇羲城南數間
屋日日哦清詩詩或能窮人人窮詩愈奇陶陶卒歲樂戚
戚童年悲悲樂兩無朕聲文起相持割然天弢解至樂乃
在茲我病拙細書薑芽未能舐但爲鼠飲河滿腹忘其飢
蒙闇不工言乃知言者非商清雜徵變喻角疑非宜

譚君仲修

評大集有云談莪者以李西涯詩爲宮聲此於五音當中清角云云

讀君千瓊琚引我無涯
知移情成連操榜舟海之湄

櫟社有癭木扶疏三十年不知用何直且自希天全喟然
見君子喪我平生焉夙縶蘊元鑒神瑩萬靈先冥觀洞性
韻伐材鏤瑕堅聽音且知絃得魚不離荃豈無萬金藥醫
此脰肩肩斲木貢匠門將車奚仲前不辭擁腫醜所冀高
庫便矢詩作先容叩關君勿鍵嘉興沈曾植

江沂三天子臺留一客星山川自奇秀人物此英靈麟死
傷諸夏蟲生腐六經幹旋終有待未可慕湛冥龍易易順
鼎

此處有模糊的書法題詞，內容難以辨認。

腐木溼鼓鼠肝蟲臂既乏精思第強操筆姑溪集裡端叔
不足發坡公之禪落木庵頭徐波僅得挂蒙叟之咏故知
不煩繩削惟數夔州後詩風致超然雅重渭南一老涪嶠
有真解晦翁非妄歎僕既未窺丹訣要亦虛費墨卿雖多
奚尙自卜頗審間縛漆園吏之厲言次及抱朴子之自敘
蓋謂洗洋適志惟取窮年身非汝有第爲委蛻縱出卮言
甯免腐朽况乃大塊稟我以尋常之短羽造物假我以至
駑之蹇足那復慕沖天之舉追飛兔之軌少作多不稱意
天才未必加增所覽差廣妍媸遂別每省斯言輒欲焚硯
一醖之酒去古人九醞之醇亦以遠矣然猶閑言送日炊

嫗可解庸音足曲蹇淺自娛譬諸春者相歌和秋蟲之吟
砌牧童晚籟答疎鐘之度澗無意飯牛之韻甯辨害馬之
指殆作剝啄門籍米鹽璫記觀可耳魏疎處士乏籠紗之
句犁眉老人署覆瓿之編雌黃雜下聽客所爲殺青寫定
非僕能預逍遙於陸沈之署食息於衡氣之機糊孫入布
袋笑這回定送頭皮蚊子上鍊牛於本分全沒交涉聊書
數語以侑一甌光緒庚寅長夏六日雨中桐廬袁昶重黎
甫自敘

漸西村人詩卷一

瀨鄉樵隱編次

溪上

以下改存少作

綠沙瑩淨清見底石戴落蘚千年衣十村往往遇一瀨時
見野碓無停機郭文舊隱在何許橡栗少實虎亦飢徵君
石室去瀨近下有盤石爲釣磯紫溪赤瀨麗元說今之雙

臺荒是非

据水經注嚴陵釣壇當在桐廬至於潛十六瀨中之第二瀨顧野王輿地記始以爲在東陽江

下二說不同

天目兩乳產百襪東排左驂西右駢迴湍迫峽巧

爲此造物妙有神斤揮鞭咎山勢出江口驚鞚倚礪桐君
倚驪龍怒鬣飲江水委輸大壑知所歸西溪於潛裁百里
天光蕩瀟迴清暉瑤林夾岸排束笋漁舟晚唱烟霏霏樵

涇無風谷自響山鳥怯向澄潭飛屋東有屋誰所營
老叟聆音稀叩之世語了不譏熱然非人沐方晞嗟我何
時脫塵鞿從之刷藥癩百痲人生胡不早作計穴石作研
箋希微

七里瀨

泊舟青楓林訪古丹嶂碣峽束一水怒雲補兩厓缺洲島
屢紆迴朝晡異涼熱花開無懷春石戴太古雪暝松敷冬
榮凍泉凝夏咽雙臺鑿何年祕籍遺民鑄道逢元眞子授
我真觀訣豈無干祿情終妨衛生拙山木自寵從溪雲時
變滅還浮烟艇去徑與人間別

元眞子張志和東陽人嘗
明經擢第待詔著作貶南

海尉不赴遂棄去浮游江湖著書三萬言東陽鄰
州意此瀨張子往會稽吳興必時經過上下矣

東隴

侍家君來游
時咸豐八年秋

東隴以幽勝山容靜逾嫵石梁何吹瀉松子落礪戶紆曲
稍經邱栖遲欣得字魚泡碧潭出鹿躡蒼落聚巖情懌蕭
辰卜游今始補言攜二三子期與樵牧伍林嵐多異狀喧
寂隨所取名理各有適幽囑俄已古伏泉如木醴一酌沈
痾愈何當導筇枝瀘泉供初祖

西施曲

溪橋楊柳百丈枝吹花作絮逐風移浮萍一去無消息越
女年年淚霑臆朝來寂寞暮榮華吳宮濁泥芳草斜何如

養色含津氣椎髻溪邊長浣紗

附考

墨子親士篇云西施之沈其美也唐人詩惆悵闔閭
門外水濁泥猶得葬西施此說差爲得實杜司勳所
云一垓逐鴟夷者垓從車葬也荆公詩遙聽下阪垓
正用葬車意疑後人誤改作舸杜詩第謂逐伍大夫
以鴟夷革葬於江中耳非指鴟夷子皮也語兒鄉留
頓三年之謬說前人已辨之史記越世家附載范蠡
始末畧及其妻子楚獄事無此野言鄙意當引墨子
書爲證

茅坪

朝泛白雲源暮投白雲嶺山下芋田已足豪山中樵客多
生癭元英居士不歸來谷汲林衣疎造請機春水際亦忘
機磻戶無人風自打

留題胡氏樂志園

危亭支碧厂仙竈隔紅塵檐竹春喧鵲溪花晚照人果園
誰氏好酒戶此中眞不識仲長子何論入帝門

新會寺

寺有甘泉宋禮部侍郎方公懋刻石泉旁

避寇不十里山椒寺已昏秋生赤華舍日落長松根慙匠
非新學窮源待細論却愁爇火迫寄食亦無村

荒村三首

十聚九空林春山嘒恠禽曠無人爨汲日畏氣蕭森
饒虎窺籬入飢鳥啄食貪朝來兵氣至愁霧欲沈嵐
狂寇誰能破柯山頓楚師望應穿父老遲未睹官儀

時左
中丞

剡浙之師
久次衢州

會稽

危埤寒日倚崢嶸滿地烽烟旅客驚芒屨星餐尋禹穴南
冠雪涕望堯城若邪溪涸劍雙去射的山空蟻一鳴何限
無家感此別六千君子壘縱橫

山寺

何處訪招提林表見積塔疎磬烟乍沈荒橋竹方合盡日
不逢人行歌山響答壇松暝無風簷栖馴有鴿僧支折足
鐺西澗淨可汲山中虵虎多居此今幾臘亦復有賓主煮
茶聲颯颯

上烏石灘

何年鑿此峽水石兩相鑿石似翔驚翻湍如風穴號黃牛
灑瀨險白馬西陵濤長年賽神去行客泝江勞遙望墟烟
起還沾玉色醪

山水暴漲上郡守丁頤伯侍御

壽昌

龍山夜沈尖露墮潰壑無舟雲四合蒼水使者怒乘潮急

雨翻盆風颯颯江漲一夜三丈強白龜如山驕蹴踏大屋
驕危面似灰小航屨屐人畜雜須臾日出熱氣蒸病者重
髓採羸蛤淮陰賢將工勒移縛鱷如羊三日期大呼篙工
集南市未遣漂沒波中兒柱後惠文詢疾苦傳檄江神莫
公侮

泛舟至壽昌縣小住三日而別

圻岸疑無路廻溪忽有天洞門開詰曲石鏡照洄沿昨泛
孤槎入時逢百丈牽傾厓藤絡樹暗礪竹奔泉野市看縣
獺深林獨聽鷓夜聲寒類豹朝氣白于烟展障雅又倚燒
畚虎落編居民今幾戶斗米直千錢倦客行復去此鄉誰

最賢翁洮隱何許枯木到今傳

新城港口弔袁離谷秀才

君有句云積塔臥斜陽譚君仲修極賞之

積塔斜陽句天機妙更新吾宗傳早秀中歲厄飢貧未結
夔虵契空憑譚蔡子鼎文學論烟濤倚漂泊巖壑寫風神一髮
鳥爭峽十圍松絕塵羅橫才不儉章碣宅將墜臥柳妨船
腹垂蘿陟島濬權奇知使氣洲渚尙生鱗醜酒爾投越乘
泝余辟秦荒年珠糴米陷虜鬼輸薪祿相無三甲春梓薦
五辛蘼蕪山下路行迹未應陳

感厲雜題

以下丙寅年

增冰非一寒鑠石非一暑日月無停輪龍蛇實生野朽索

馭猥偷逝水東南下當其始萌芽疇懷徙薪慮市舶空置
司夷樂翻奪雅側望廓清期隱約甘蓬戶爲治慎所積機
疾焉可禦

赭嶽有悴木驚湍無憺漚食息將焉託鬢毛俄已秋黃鵠
羽苦短凡鳥競養羞古來磔落土拙爲一身謀

五味口常爽五色目終瞢市易島索聚積氣金銀空地亦
有盡藏杼柚困大東亂定俗益侈豪奢競雷同野容炫于
市孝養缺于宮久不聞直指整俗觀民風勿笑齊晏子禿
裘悴匪躬勿陋宋墨翟採時相爲庸

螳螂欲承蜩雀乃睨其旁王孫挾彈弓不畏露溼裳虞人

諱先發逐利害則忘不庭三月久同殉兩情傷盈者遭鬼
瞰虛者晞神藏君子慎所處目笑錐刀場

知瑤圍晉陽志驕行決渠漁者遮說之識微效其愚闇主
策不用勢成自罟罟人以君爲餌君以人爲魚餌弱而魚
強吞舟將何如危哉驂乘謀殺機不留餘忠言反見罪曙
戒乃取疎

仲夏初入霉古之伐蛟期石氣鬱蒸暝疾雷破塵屨元雲
上冲天草木毒流縈吟如蟬悶掌誰能辨其微今年蛟水
大萬室隨魚鬣山田耕少力野豕隳垣籬公家發籽種吏
復乾沒之萬物人之盜猶可毆除爲令長不恤民民困無

窮期

赫山雲爲紅吹劍氣爲白蚩尤曳寒空浮浮盪精魄寇亂
誰驅除陵藪幾藏疾不知何鄉樂不知何土適莖已化爲
茅枳復變成橘險夷復何擇骨肉長相失倚楹羨涼州秦
血乃沒鄰頻年人食人蕭條千里畢荒榛滿故墟旅葵誰
當擷痛定還思痛悲風何慄慄

乾嘉全盛日儒風被鄒魯辨囿校文繁祕閣遺書聚大則
版刻搜細猶蟲魚注賢哉劉諸城不欲開四庫謂非當務
急盍守高會矩名相當國言意與金壇悟是時海禁開銜
轡柔窳窳地大夔牙生貞風馴害蠱文盛吏術衰朴散材

器窳忘諱民彌貧臣妾相媚嫵勿恥言農戰文儒競纂組
自來積陵夷右文常弛武元龜在康熙朝多德人俛直言
旌樸忠良吏師往古孱夷不窺邊邊民得安處煌煌五體
碑震聳泥不楮

苦熱行

上幾庭兄

竈烘六合火炮濁赤龍崢嶸誰拔角又聞炎洲之草木化
作千億光明燭吾兄昨示苦熱行比年憂憤何當平象郡
削天火井聚虺毒潛吹起旁午奔逃將吏莫敢訶燎原之
災由一縷愁衝沙蝨墮長空安得將軍大黃弩射烏赤嘴
落湯池冷風來蘇子遺戶南村北村廢耕作荒田草宅淚

如雨元蜂若壺螫飢痺相呼成羣東南飛流金鑠石血原
野至今故里鄰人稀昨者雨師傾天瓢一洗炎歊旱千里
頭風復愈眼無花赤阪遺民幸無死凶年兵後復酸心相
保何時免毒澤兄獨翛然耕谷口白雲源裏飯牛深祇期
伏日茅柴酒沮溺同耕勸復耜

西湖雜詩

曠有清暉在湖山浩劫驚遺民緬汪泯曾此養殘生牽陸
舟未穩銜山月自明諸生精舍芘突兀屋初成
已燬錢王廟空懷衣錦軍焦原碣無水偏霸鬱興雲始倚
波濤阻終看朝請勤餘花陌上發游女尙羅裙

紈扇持障面船窗差隱身蘋花騷客薦菱葉浣娃顰青鳥
來銜札紅巾去被塵盈盈一水際薄暮碧山皴
貫休名畫在草長石幢深十地應真壯幾年山雨侵荒池
朝出霧壤閣暝歸禽偶見一螢度翻疑佛火深
北山多釣叟四壁掛簑衣山氣壓茅屋水光搖翠微渚芹
牙已白山槩葉初稀我是無田者江干漫說歸

淮僧葛嶺下

植龕上人
自維揚至

前日叩荆扉稍稍白露下鬢鬢黃

柳稀精梵三車問香餐一鉢飢喜尋方外友予髮待明晞
飛雨捲湖至橫空白氣來湖心俄失閣石罅忽驚雷倚檻
裁炊許披襟實快哉雲收待夕霽更上初陽臺

宗淨諸天異承平列刹深劫餘無住著隨分作登臨翻得
眞實相自存山水音眼空除翳障伐棘出遙岑

壞塔南山椒俗云神物憑無梯阻游屐有樹蔓寒藤下憩
胡僧坐宵深見塔燈異花西域至上覆乳巢鷹

日盪雲成水湖明艇接天興來成獨往往佳處輒參禪社鼓
村村臘叢梅樹樹仙遙看茅一把葛嶺起孤烟

名山近城少喧處得佳觀洞有烟霞古泉無沙磔寒繚隄
虹幾曲窄徑石千盤形勝餘杭麓題名壁屢漫

菱花秋已半愁絕采菱人蕩子江南去與花相見親人行
避鷺羽花落覆魚鱗持贈江南客廻船一愴神

游靈隱次日作詩記之

少耽名山游欲乘龍躡去昨游靈鷲嶺異狀難名數日行

閣浮嵐氣殷綠蘿上覆雲根屨洞中瘖虎伏何處洞外老

蘚緣梯斑世上炎歊峽中冷寒碧一勾牙生鋌峯峯石壁

面勢異大似伊闕雕屨顏梁穿唐鑿不暇詰鬼工神斧搜

天關辟支弟子已偉絕况有七佛難躋攀据潛說友臨安志理公嚴石佛

像梁後唐前已有韜光苦縣篇第幾河上公注老以縹緲

溼翠浮雲間餘杭之勝天目最靈岷奔渟此山會絕頂傳

聞宵見日海門遙望濤如帶匆匆興盡未果游徑壞奔泉

鳴石瀨山僧劫後梵筵空惟有危樓臥古鐘事往何人留

鏤壁時清無鉢可降龍
逃空早晚重來此待取秋山霜葉紅

飛來峰一綫天

南戒何緣覓祖峰
山脈潛移天不動
毗沙夜半斲龍耳
擲下西方一罍空
我行逢秋日林赤霜
垂實胡僧何年卜居
此天扉微開一綫出
削厓仰刮青頗黎
佛光瞥見還易失
奇石粗沙足下生
巖腹疑有山靈撐
山囚鍊鑊木石精風
出空穴時一鳴坤
乾雷硲剗復成
千年崩石藤爲繩
赤箭青芝不可名
暖呼游人谷自騰
偃松往往蓋一畝
老父夜繫青羊行
日欲落兮山罅合
天光佛髮交冥冥

食蚶三十韻

耆味十月枯晨爨
然越竹觶觶蟹已殘
竊竊酒初熟食單
謀焯人染指讎介族
有蟲謚稱蝸適口味
抗腹貢弛明州

苛

孔殘事

形譌服翼禿

說文云老服莫所化

螺房擁寶鬚
盒像羅金粟

離離瓦鬪楞
澌澌瓊擘肉
閉唇雷怒號
剝殼雨新沐
金沙堆鱗鞞
玉柱藏瑟縮
錫之紫暉階
化同黃雀速
刊以薑盈扶
調以酒一斛
魁陸雅登諸
專車箋亦夙
海月拾奚殊
石華采匪獨
蠓蠻排十稜
蚌甲減半屋
無嫌犀筋鑿
瞥見銅柶簇
蜺羹郤少顏
蚶醢甯見錄
紋斜外離奇
理正中臄胸
橙香佐三嗅
螯巨賤滿掬
鑿髓繡圍欄
剖腔霜列鏃
何煩

密苦施何假嚴戈逐輕紅荔凝脂編貝珠吐目諷之養生
家或云補心衲黃生姹女芽涼沁彭尸伏鹵種何田田春
盤常漉漉宜隨蛤梨澆未許鵲啄啄露蠟難比倫寒鼈亦
可惡南食例成詩惠文誰肯服北人不解煮勸學恐誤讀
但勅辦椒馨漫嘲無麥麴君看食蚶篇強均恣往復

此丙寅冬少宰泰興吳公所命題也限儼孟韓連句
詩成殊蒙激賞今公辭世已十餘年矣追錄存之不

覺泣然

新步

丁卯

洞霧溼如雨山桃紅見花別來會釣石漲出一弓沙

曉發

漠漠一江雲風吹如擘絮漸聞篙石喧稍辨青林曙推篷
迴望白雲飛須臾復度前山去

客游憶山中

君在東臺朝日曛妾住西臺時已昏君家開門煖獻果妾
家插棘憎王孫

安樂塔前青徧楊西溪中有雙鴛央驚風弱蔓栖不定飛
上平頭奴子箱

瓜蔓水生鱒魚來紫薑綠笋佐新醅武林鄉味不易致喚
取江船幾日迴

陌上

陌上雉朝雊城南烏夜啼併入朱絲裏消息斷金閨

春行湖隄上

春行湖隄上隄上積芳草宛轉雙翠虹卻向孤山抱
濯濯前夜雨絲絲今日風垂楊烟霧裡著衣何濛濛

贈周葆昌

周生意氣如劇孟落拓狂歌不知病途窮閱盡世間人髮
禿慙看閨裡鏡罵座來從潁水陰知交日散千黃金緣情
筆札頗橫逸結客屠簫相與尋危城羽書急飛矢土面如
灰鼓聲死滿營都統賜冠帶趣劾哭秦書一紙君本名家

子挽弓仍習騎一朝青犢千羣至圍城久飢旋不支如何
熊僚失微介翻令蔡女賤流離脫身歸來足穿屨摧殘難
復支門戶寶劍空持刈旅葵海圖帙散汚寒具三刀益州
那入夢一箭聊城嗟已暮徒言廣澤牧牛羊未有宿糧謀
雁鷺少日豪華轉眼過青絲陌上鞚明駝今成戚里無依
倚歸徒四壁市人訶偶然載酒來相問爲作城東俠少歌

聖音寺 行宮前銅鹿行

古稀天子六省方帳殿金屏照水黃當年故物獨銅鹿口
銜芝菌望幸長與二仙禽列爲四舊存其一今亡矣玉獅
盜去田虿郎承露金仙應墮淚眼見陽和八八春

嘉慶己未宮

中時憲書猶稱
乾隆六十四年
鑄始乾隆金幾斤更溯

景陵遺老盡上方龍象空烟雲摧牙落角苔花綠亂領妖
要應怒觸時來被錦孤山陽亂定泥湖水山枯枝猶訝
長生牌蒼鼠啼向空壇荻精藍一炬守吏去賸有殘僧拾
墮柴文瀾閣圯積梁在書付秦灰誰續採
睿思親解塵角譎文物當年盛淵海宮前老翁曝背言今
是乾隆幾葉孫

先皇不寶四白鹿再拜溪毛薦水溫

上冢作詩四首呈諸從兄並示弟姪

惻惻葉辭樹湛湛水回波亂離不忍源蕪沒故園阿負土

成宰壟烏口亦以瘞戴山松枯長歲月一何多吞聲無家
別邊問礪中邁

我祖復初公鑿楹書萬軸庭誥如官衙恤鄰共年穀

俞培

庵先生贈王父詩云君
獨守世範庭內如官衙待人春風溫誠子秋實肅生晚未

逮事家故諸父熟書隨劫火然諸父亦陵谷相與寶遺箴
慶餘勤抱樸清德慎勿忘儆予恤初服

辛壬邑被兵癸甲家毀難陰陽寇莫大水火蹈幾爛痛絕
不欲言寒泉助凄惋先公有遺訓學禮乃質榦結交宜
老蒼經心肉弗貫釜入而卮出斂約要勿畔深媿牧羊歧
面背宵徹汗勿廢肄業勤積慝冀一追灑淚崇山阿澗毛

不復爨

木有名交讓喬柯晚芳馨行飛與跪乳動物亦精靈綿綿
神理在宗支各靈丁飢驅何所適勞生感漂萍相與敦墓
祭菲薄捧土鉏詩人懷明發急難喻脊令繼別雖有殊風
規期相俚

邑宰王公

錫桐

招同溪上泛舟

山水方滋酒舫同勸耕環立有村童洞寒服翼千年雨溪
散春鉏一棹風垂釣坐忘青箬裏意行遙指翠微通受書
我欲金門去挂席虛陪蜀郡翁

附錄答王令君書

昔瓠巴鼓瑟感伏櫪而沈思秦青振謳過行雲而直
上微霜靈而巨鐘應遠壑嘯而隆墀盈雖在末技庶
無乖於正南願奏卒章以上薄夫正始乃者岸幘密
坐靈襟博攄道問牧子敬陳害馬之箴目笑朱泚虛
抱屠龍之癖春餘夏始草木被潭既追休謙復滋詠
思犯詩人胡顏之譏有子勝斐然之意蒼波九折灘
聲轉雷危石千尋山罅縈黛釣壇霞起而西峙桐君
鸞驂而東驚臥理不事榮觀超然涿令行春之暇郭
生維舟之懷尸而祝之古猶今也策牛車入縣門者
舍賤子其誰哉拙藻十章謹遣簡餘慚隨悚并

詩卷一
登桐君山醉後書壁

百丈危厓寺枕流如鳧出沒瞰千舟
路人未作蘇門嘯猶有碧鸞栖上頭

巧避松根添曲徑環依塔影作禪房
頽垣俄化成金碧劫火今重見道場

採藥仙翁去不還猶留藥錄在人間
夜分一道澄江月瞥見洞門遲上關

寺後萬竹淨暉暉城郭人民嗟已非
惟有鞋紅嬌阿醋一

株斜出石欄圍

亂後惟存安石榴一株猶承平時物

登吳山

江湖左右樂無有坐約浮嵐浴翠來
高倚晴空一柱觀遠餐雲氣八風臺
靈胥不盡驚濤恨逋寇俄消猛炭灰
欲訪竹皮冠道士丹成隻履印蒼苔

輓沈縣丞

瑜

泝緝技雖織器或投時利嗟君抱雋才
未得一命試卑騶降倨髡應間廋詞致
方今款重譯議欲張五餌燭武未精亡政
堪供策使有口若懸河無階可投摯游好
忽經年碁槩間同戲蟲臂俄看化石火真若
寄翩翩記室牘戢戢猶滿筍朽孰千金買貧
無一椽芘作詩告其鄰庶垂脫驂義上布政使湘鄉楊公

詩卷一
沖翮儀赤霄衡雲洒餘絢快攜巨牯來饜欲制河徧昔佐
安東節衣練穿未綻批答軍中書朗若巖下電龍鬪夷鄭
氛鷓飛靖宋變野靜消烽燭川寒明組練稍散耕牧嘗裁
聞絹穀賤疎疎柳貫魚槭槭林巢燕大州初百戶步障陰
芳甸下縣始十丁桑麻繡墳衍田翁昨見招今年炊玉簫
啄稻黃鷄肥奉鬯白酒灑縣令罷追呼心知長官善盍來
醉瓦盆起舞輕欲旋杜甫美嚴公泥飲雜謠諺公來吳越
穰歲計知衆怵媿非王褒才宣布三詩擅徒仰喬木陰憩
予荒谷跽

賦得紅藕香殘玉簫秋

紅衣殘更艷玉簫一螢流雪藕誰穿孔飄桐忽報秋涼思
方錦褥花妥木蘭舟露瓣欹東面風漪卷上頭香痕叅篆
鳴扇影怯牽牛解珮人千里流黃月半樓題還攜彩筆簾
欲下珊鈎却妬栖鴛夢塘西未解愁

黃君元同鄉試報罷將歸定海述詩爲別

鏗鏗楊子行精舍談經客

謂楊孝廉
方正文杰

君從海上來幾斂元

日席抱瑟不諧時對策常逾格里耳笑折楊腐芥眯虎魄
蹇剝匪人爲返我純懿宅譬如空中花何能媚虛白清尊
幾日同驪歌澹將夕何以慰素居念來通簡尺

論事常病粗析理常病迂解故失之碎尊心又多誣護朽

詩卷一
黨枯竹人人自言媿誰爲閨市平達解無攀拘篤哉四明
學汲綆資先傷深甯與東發康莊絕歧趨合經誼治事實
大華亦琴冥冥背時利歸袞我純愚晞輓結琦後復得靜
者徒

弱植違庭誥章句久蕪廢勸穫今乍聞滯義前多悔說易
十翼尊不惑九師碎禮家平聚訟齊斧伐茅蒨君如識時
賈秋斂春可貸欲執壠畔經璇源資一漑從之寂寞濱晚
學發深慨

漸西村人詩卷二

瀨鄉樵隱編次

虎邱 戊辰

吳山多肉而少骨斯邱聊作層巒觀我來正逢早春節殘
雪在地凌兢寒梅花一樹出籬落媽如姑射衣裳單山椒
何處動清磬道人晚課經卷殘何年胡僧演聖諦緇白千
衆留虛壇頂楚張吳亦電滅陵谷幾變徒浩歎君看劍池
石壁上題名虵蚓鐫嶮岬將母上有兩何迹充隱曾此積
巾冠 梁何求及從弟允俱隱此山見史處士列傳 樓觀盡入兵火劫擅揚猶博
落衣剡小儒金椎倘發冢薶劍定洗魚腸斑超然但愛清
遠句雲翳欲出松團團

贈凌處士

霞

古井門前水汲多猶未渾
跼躓來照影解后喜逢人
蜀肆百錢卜林宗一角巾
看君用幽意閱世九衢塵

寄懷莫子偲丈

友芝

畸人下牂柯久客突不黔
去年鉢精舍餽我邃古心
去作禹穴游信宿茅山陰
手摹窆石字足躡玉笥深
糧盡類楚跼火迫擬會吟

丁卯秋先生至杭州九月渡江謁禹陵

往來吳越間客星不

可尋進則恥苟祿退殊甘
陸沈相侯闕書局殘籍資搜緝

湘鄉公屬丈采訪三閣遺書

劫火祕閣燼漆書羽陵蟬門攤與市集斷

璧兼碎金君如波斯胡老眼撥翳霧佳本致千一詫若名

王禽朱鈴影山堂豪奪者頗歎至寶終難秘傳鈔方自今
耆好絕儕俗風期夙所欽泠泠邵亭詩落落渢廡音何以
慰漱飢海山望蕭穆

黃浦江與友人別

大江流落日千里怒潮生
夕泛樓船別朝喧爆竹聲
火林通蜃市侮食接羊城
卷髮淪戎俗無材空遠征

北游雜詩

早違捧檄懽遠游每悽然
昨登賈胡舶浪逐計吏篋
滄海日月白神臬車馬填
皇居氣色麗層城歌吹喧
孫卿始適郢樂毅乍游燕
仰慙

詩卷二
先民質俯乖末俗妍

辰星主夸蠻漢氣如城闕大川爲血脈喬嶽爲筋骨北條
多名山尾沒醫巫閭灤水挾積殘流漸貫神區臙臙黃圖
原襟帶幾千里跛牂亦雜居雖高終慮庫中虛四裔實元
枵在桐野冠布苦苴惡履絢美璣組不聞貴者歎但見賤
者憂言之畏訶責空題知北游

銅山四百區鍊山三千餘墜利有蓄洩治官責常輸豈惟
三品幣兼作五兵儲以爲息土衛毒天下有餘昨來析津
口官船見沙淤孟勞無銛制武庫久已虛羣胡造巨船
若黃金塗取材堅且利窺瞰我輿腴衣租食稅者咄嗟何

其疎

蠶爲天駟類與馬通精氣燕寒不宜桑木棉當可漑稻性
喜塗泥辨種古揚州燕燥不宜禾宜者來與麩虞
有前規水利中葉籌勿以墾草令猥云商君羞
文貞明

亭林疏布士氣可雄萬夫當其昌平游杜鵑拜何劬每慕
文淵牧曠莽林野娛昏谷量牛羊世事百不如名恥登薦
牘迹或淹神都晚息華陰機茲亦神明廬遺祠在招提濁
醪薦一壺風流懷近躅泠泠何與朱
謂子貞伯韓諸老始於慈仁寺建顧先生

祠堂

江南春已闌塞北春方始妍妍杏花繁吐秀殊可喜黃沙

白雪中對之光蕤蕤西山向我戰粲然啟心理流泉散如
霧淙流出石髓館宇非一區烟嵐凝暮紫願結公超廬巖
陰晞成市

贈朱亮生

長安一雨洗車塵三條陌上滯行人風吹歌管家家玉花
艷紅樓樹樹春獨有監門冗秩賤久客誰能鬢不變人言
九事八爲律張目君空爛巖電勿嫌世議蛭蠹侵且仗心
兵冰蘖戰我勞行役手時鞞子抱匡時淚如霰上書試伏
日華門起草會侍明光殿

與譚仲修劉子彝張子虞高白未四同年游天甯寺

夜談戒春游華燭吐白虹朝來理輕策芳草驕玉驄出郭
一牛鳴意冥塵市空詰曲入寺門稍循萬竹叢藏山忽高
曠勃窣蒼烟中蘿磴石髮合微徑蠶房通塔光媚洩雲時
漏日腳紅三月猶薄寒景風乍迴東豐隆倚闔闔青瑯氣
蓬蓬偶聞定中磬醉臥松下風日入未須返浩歌意何窮

夜飲卽事

閒愁一例刪夾殼隘衢還獨與餞春客塌然中酒顏鳴葭
過薛訪火樹眩黎軒暫破塵中笑微風生屋山
博山沈作香突廈桂爲堂不用羊車接相看雁檠光解顏
蒼鶻隊送難赤華房誰謂酒人謬泠泠別意長

報罷南歸泊大沽口作

天闕排雲信未通冥冥垂翅有孤鴻君看海上持竿叟臥
看來船是順風

神堯一旅奠神州東楚蟬嫣揚水流日暮飢鳥栖戰壘行

人迴首望碣樓

是日觀南
北岸砲臺

火輪船行

夸之操舟虵行若神剗海西木豨突通津伐材息力冶金
大秦堅取多節匠惟輪人廣廠給鈔器師畢陳毒龍鼓鞴
腥風運斤祆精夜叫巧麻朝呻激諠虹洞邪許雷震齋十
梓慶械百公輸一旦成之身橫海嶠馬銜右負天吳前驅

銳首大腹樓觀莫踰尾如修鯨漆髹金塗樓觀伊何迴梯
螺旋洞窗沈沈入地出天突者如阜呀者如淵蜂肆蠓宮
吁可怪焉蠓宮伊何火齊空青斲孔開樾門牡飛鳴增臺
偃月刻漏奔星俛际海水瀾汗窈冥指南之鍼記里之鼓
管分甲癸矩程立臥大突不黔枝撐火柱旁綴罌罌炎烟
絕吐下列機舂風輪激怒衙衙汽弩金鍊相鑿挈之若抽
首下尻高崑崙百輩其捷如猱水盪火射兔落蟻號雙膏
爍石撝汗成圍內火出火生機殺機天池晝涸枉矢宵飛
鱗鬻介慄海氣森霏羊胛未熟五百由延朝拂陽谷夕杙
虞泉左言侮食高嚼蠻擅恃其利器自以無前書生覘敵

長技三五師葉爲舟餘巧求野昔敗纍疑今收三戶彼墉
有隼盍其禦侮

大沽口南北岸奔臺行

臺築於咸豐八年科爾沁僧親王成之北鉗沽東枕
海形勢殊壯軒城突門孔道突帳藺石虎落方色與
兵樓櫓之屬各有法度尺寸具存

咸豐八年秋月蝕析木辰海水忽飛溢麟門困採薪

聖謨念安邊簡任在柿州賢王如策凌抗材諾顏部詔移
火器千精手皆索倫亦有綠旗制甲仗如蠶屯直沽道幾
何相距如犄角絡繹陣雲生蕭條血雨爆旂爲發石車說

始賈侍中佛夸始作俑後膛鑄用銅築臺堅且利繚以大
裨海敵氣思猛士犬羊誓葅醢金城此百仞穿穴如鬼工
官錢少府竭木石西山空兩臺如列牙對峙沽南北赫赫
振天關森森迴地軸北如箕哆口太陰負土囊南如伏於
菟呀豁洞幽陽上建大將纛下排鍊蒺藜豈知不拔勢響
若波潰隄夷氣如穹閭又如大幡船城摧九距械陸圻三
重淵朝聞築長城夕聞墮長城卷甲委之去內訌如沸羹
聖皇今御極陽惠貫三五仁誼爲鈞強明刑及幽羽王功
在冊府軍政修成規再拜墜形志一爲
廟算資

滬上贈龔生記異

太息屠羊義中行

言屠羊說之辭楚賞必不爲中行說之不義

誰爲彭

城叟古有龔生賢寶鼎出增水初陽生曙天欲招朱鷺下海上豈無弦

閏四月夕坐龍門精舍效柳儀曹

寂寂芳樹暝塗塗晚露晞幽陽生繫表冲魄何微微瓊枝光照夜空瑟招靈斐遠游自薊門垂翅昨來歸增颺蕩漲海迴想昭餘祁倦跡憩疲茶寂坐臨風碕遺榮澹自足繕性得所依圓靈無纖翳何假華燈輝徒懷燕雀安焉識龍虵飢愁還空齋臥食息忘世機

擬豔歌

湖上女兒袞箜篌湖中蓮房墮紅秋橫塘昨夜不可渡風颺採菱三斛舟
垂楊踈地青可憐不見樓臺祇見烟明月纖纖雨頭缺今夜知照阿誰邊

效孟東野三首

抽思日復夕夕露稍見侵彼美萬里道碧樹千冥沈芳樹若別色鳴禽亦殊音禽樹多相似中有越鄉心所思在何許乃在大海南青鏡闇不治晦明亮難任晦明猶共之姿形緬空襟出門誓欲往長阪相陵臨修身苦不早何用遺

華簪

滬上遇佳節炎天誰和之故知不可卽新知作然疑新知
雖明媚未若故人私離離蒲與艾青青綴剡移遠念徐銷
歇蛟龍不入懷出門聽吳語飲水乞吳兒權郎解我心蕩
槩隨所之所之多歧路歧路復威遲翠女雅頭轆城南張
水嬰凝妝照淥水迴波吹酒卮吳儂好眉嫵未若故山奇
故山靚且麗脈脈夢中思佳人勿浪語坐與故山期
駕言登城望別離如昨日樹木相虧蔽有來不能疾卷彼
袞與凋莞簟安弱質風雨有時寒念彼復相恤君亮爲磐
石艱難慎勿出妾如水中蒲翻翻念靈匹循除復下降填

膺不能述君門以九重下賤多過失芳艸生閒階蛛絲網
瑤瑟猶傷妾人意贈行徒密密密密亦何爲寒竹遲鳴律

書寶山蔣劍人遺集後

東海禿翁敢言事以席裹尸立無地夜深騰虵思作龍赤
堇躍出蒼精銅瑤光太一下臨冶鑄作上士之劍將安庸
芒寒歐薛不敢胸吳鴻扈稽交著胸猶聞十五已生角誰
其知者侯官公

蔣少爲僧復去還俗嘗
爲侯村林公門下客

公來一尉東南屯

黔夫羅祭夸無人公去魚羊食人肉趙葱代將成數衄公
生公死係安危劍也東求滄海哭哭公星霄桃榔林爲虺
勿腊何毒淫武昌魚爛石頭踞磨牙窺窳戈鋌森劍也蒲

伏瘴海陰胡不與彼木石同陽瘖猶為周舍日諤諤強聒
大府涕橫襟劍也削迹傷其心江上鷗虞旛天回一甲子
月支好頭顱何時漆為器劍也張目未快意一蛇四蛇異
位寘海風吹墮幽州雲光氣夜燭雲間文黃鷄白酒徑醉
汝劍也地下何當聞

君自署江東老
劍故詩中云云

聽同年生錢蔚也彈天問操有贈

動搖海碧浸微月神女蹋波鍊金骨飄然自著六銖衣升
降長烟奏天闕夜分潭洞絕行人呵壁荒唐事豈真問君
海上濤何氣併入朱絲一損神

靈均千年子厚去無病何呻意何遽森森老竹古牆下槭

槭風梢作人語漢家郊祀待君歌一變騷辨陳猗那天龍
人鬼紛來下九扇瑤閭蒸太和

鄧完白山人石交圖

被衣友齧缺聃耳師常樅俱好淵予誼行藏折其中晚得
梅與鄧谷音亮難雙行合禽向侶菘追冰斯蹤兩作湛虛
明兼山闕謙沖名美義牽屬字孳文適通迹往事如昨傷
時三釁訐瑋碧互璀璨礪磳資礪礪相望百年內有孚光
始終

既秋霜露積疏峰抗高閣一尺生綃春千言懸解索仙經
諛胎化峭樵樹石錯何以永今朝空濛媚淖約御風羣埃

息相與翔寥廓道真栖溟滓兮宰游廣莫同明照終朝念
哉期盡各

登西林寺塔 在婁縣

虛牝忽齒萃方輿一柱尊理因象教羃制以宰波新清秋
獨行游飛閣麗郊闔歷棧既茗薜援階復嶙峋陰樞或斗
上陽榭亦卻循枝撐洞繆葛躩踞絕厓根近延夕月闌遠
納朝日瞰邱夷淵遂實川澗谷多堙宿雲下方落孤聳削
昆崙每每佳麗地嘈嘈清吹塵晚稻平野秀早霞石梁屯
歲穰信可喜俗儉易稱仁道夷履不渝情蹇遇乃辛嗇神
誠有術儒效豈華身

信美名都會日寒華亭景羽人來介邱白后淘渫井感往
事如昨度來想多眚衛生櫻世羅貢高昧道纒龍悔義所
郵魚貫慮罷騁瓊璧華丹朱草樹濯萑穎高明媒後言剛
強折先猛小人婞以乘君子危自省秦巡嬴政覆吳侈闔
閭泯武城非遺基 吳王闔閭作南武城于此以伺越畔 馳道甯風軫 在婁西北賈山
至言秦皇馳道徧天下南極吳楚此其一矣 河山忽已改剝字代空永何如謝
糾纏冷然返虛靜

陸士衡故居

今為寺在谷陽門內

信宿遵枉渚質明期所適趨新志逾營擿異訢屢獲言尋
婁侯封遜抗煒在昔靈根茁華穎二陸更仕籍焉知華亭

言卷一
一
唳遑念河橋客舊山沿曩名新池荒故宅枯條槲株枸或
云手植迹門基爲道場逝者無遺寫居人味其始朱義幾
由白含歡易多舒厲戚難可憐五漿雖見饋高秋畏崩迫
發雲間晚泊宕口

出郭自茲遙景物迷所在方舟揚增波陽景簸明晦陂陀
紆復直村墟襍蔥蕨歸潮噏天倪驚浪張地肺東去觀滄
海百靈走其內鱗鬣爲風雨二儀相嬗代太易習凝合孤
舟此茫昧

訪虛谷上人不值卻寄三首

臧穀失所牧由來轍仍同儒亡彼藏蠹何以見眞風鑒虛

行則實心亨遇轉窮道人繕性熟寒栖一畦菘目牛冥全
象食豨並匪躬微明在獨智開俗祛羣蒙願聞無生義亦
云不離宗

臥疴耽幽獨眎聽仍廣濶元關闔幽捷朗景扁懸象西北
出天駟東南育英蕩蘊材何用掣繫足安可放白露洗孤
清金天颯精爽形移始藏機聲動每唇響念念脩身切聲
形畏濁枉內觀返地文外游測天壤一驅六鑿去根器吾
亦儻

此庵何年築一粟城西隅懸知寺前木霜衣欲脫無紆曲
循微徑雀鼠厭空厨卽事如已遠神晞情不疎廣陳綴道

論遐鏡俯世模寒潭雲光淨高齋秋氣虛來兌相慕悅紆
豫積羈孤何當一廻駕予亦亦華居

游南園獨酌菊花下至莫始歸精舍

靈宇薄意匠漸臺邈神構步履適然來把此深澤秀花葉
何娟覩金精動高宿幽深泣夕露煒奕闕空晝歲晏將期
樂餐彼元氣壽瘖嚙爲樹石支離絕美詬向來園中人經
新復爲舊命罇壺已空銜情自稱侑日入過塗反勞生苦
多謬雲月相凌蝕天地終高厚竭來從元謀精思煢在疚
南匯沈村有少男少女遇兵相殉以死者村之父老

來求詩

海水橫飛傷往昔雲間佚事近知聞聖周雲護中殤翠磐
郢霜封少女墳烏憶頻伽真共命香分迷迭替交熏千年
黃土燒成篆重次廬江小吏文

吳郡王節母家戒題後

代劉司業

昔在魯敬姜作善貴民勞東陽勗令史暴名義所逃晚操
金管書高節晞蹈景復得名族嬪遺言識要領閭門何峨
峨爽塏居屢徙種松當門前淘井在門裡井寒石齒齒用
汲仁其鄰松已如兒長柯葉無冬春含光辟世詬勅兒崇
令名令名良不脛鄉貢垂賢聲善言資齋心善藥資苦口
孟進前修勞墨發來葉守褒旌得璽書聞者鏡禮宗銘題

魏詞竭煌煌紫泥重

送高伯平先生游淮上

君子出閩海栖栖甘旅人暫得立門前未敢闕椎輪去年
僑精舍枉訪穢湖濱不呼結轂趁乃獲負劍親木脫山石
緒藻涸游儵馴登攢上危閣病歎風雷呻稍定坐磬折罷
枝解衣巾法言間諧笑左顧敕魚尊酒半孤山嶼薄烟起
荒榛時流共排媚欲以俗妨真喘如竹筒吹狗曲相斷斷
先生一笑寘正容坐消器虺撼久乃卻羶附漸歸仁撻雲
朝觀化撥火夜燃薪飴我流與略橄我籟與笛素抱非近
武衣聞必先民龜山倘可伐禮樂阡焉新不察邱山大焉

知邱山尊日月未云幾索居稽與秦扁舟指淮東老作蘭
陵荀黃落秋已晚野風吹碧濤暫爲汗漫游久厭諸侯賓
東城席未暎反厓戀彌勤廻帆侍德論期以桐芭春

讀袁康沙船歎歌以贈之

少府鍊丹沙上林殫白鹿列州歲儉多流亡平準開場利
源蹙互市雖云便大東欸杼柚苛稅等牛毛疲氓瘠生肉
張旗千賈胡伐木造艸艸篙工柁師臥江沙海禁久弛吞
聲哭再拜爰生詩吾輩飽飯徒錄錄

以下述
原作

吳淞江碧打

水開吳淞江白春潮來長年三老看風色欲語不語先歎
息自言生長崇明沙狎海如陸船爲家水程記別茶山樹

萬里海天指鉞路落颿遠見之罟鳥移碇又過牛莊道一
朝懽喜返重洋山海之利歸壓裝歸來分賽妻帑喜打鼓
迎神謹利市南北風濤秋復春海舶何年來火輪青銅舳
艫銜尾起烟突如山日千里從此沙船生事微篙工零落
各東西沙船一半沙中臥檣折篷穿船腹破去年斥棄漉
鹽田略邀火伴來修船漕運捉將官裡去官程又數天津
路原作止此
稍刪潤君爲沙船行語我神先驚近聞治官造大艫
射利欲與天驕爭海縣飢民面如鵠春種家家賣黃犢

偶述

海國衣文蛇儒生戴章父所之既殊方信陋非吾土北風

吹霰雪霏霏集檐宇出門何所適摧積困羈羽雖乏歲寒
姿豈無不龜具危根豐其枝浮榮多內懼疊疊抱微明期
以十駕取

末學辯所生溺聞一何畫矜已排前規伐異張矛戟六籍
恣鈇析百氏皆擯斥論甘乃忌辛誣朱忽成碧大道非私
器篡斂啓衆策何況文奸言削趾求履迹至人巢昆侖何
時慰昕夕

題同縣王丈

永錫

桐江舊隱圖

留滯雲間得遇君因依索句在臨分前生食肉頭陀拙休
覩羊家素練羣

少時曾作樓中客，插架牙籤萬卷齊。
慘綠衣香非往日，讀書尚未識撐犁。
丈自叙舊日藏書之富

爲記清談勝集時，江南張北夾清池。

謂江退谷張桐黼兩丈

樓前少

畫紅薇樹已漫，諸公壁上詩。

滬城那有三山塔，沙岸難如九里洲。
洲上春來花似海，客中辛苦憶前游。

莫笑王平裁十字，絕勝譙允飲三爻。
生兒果有封侯相，何事東風馬耳聾。

老屋前榮束筍書，被兵無復一編餘。
猶應手買頻，讎校莫但支床飽白魚。

鹿溪張節母盟心古井圖

井已無闌石井桐，花幾開此心如槁木。
不待築清臺

滬上竹枝詞

沈碑廻向赤烏年，移刹祥符事偶然。
善眩軒人何逼處，不

知平陸幾爲淵。

吳赤烏碑舊在宋祥符初所建靜安寺中嘉定末隨寺沒入江水

權吏樓頭試一臨，樓船虧蔽列如林。
何當刺取石魚脇，

婁

干山有泉一泓中浮石如魚可以明目

洗眼明予萬里心

城上風雲蕩夕曛，築邪長憶故將軍。
春來碧草痕如舊，牧放胡奴羝一羣。

瘴海水紋何澹澹，蜃窗螺屋倚嬋娟。
歡似茶山望不見，妾

如小海心洄漩

何年通市漏卮初舉國商疲敵有餘火布晶梓皆貴直竹
筇藟醬總難如

估胡遠自條支至羊腓頻聞熟幾迴射利圍塲挾轉走紅
絲窳地駕龍媒

漸西村人詩卷三

瀨鄉樵隱編次

次韻薛糧儲丈將之白門留別二首 己巳

挂席名山惜別時華陽眞逸老爲師栖霞寺畔月初上竹
格航頭雲自怡問字侯芭從載酒監門關尹乞題詩扁舟
來往經吳會前路青山范蠡祠

物外眞成汗漫游已除綺語罷冥搜久辭符竹還初服尙
念農祥考異郵寂寂兮亭惟短榻搏搏大地有虛舟習之
媿和河陽句高爵於今未可求

題吳梅村祭酒趺坐小像

人言堯幽囚或言舜野死目斷蒼梧淚不止先生頭白髮

垂耳遺骨千年蛻於此

以上雜用
吳集句

寂寂團蒲坐風甌時一

鳴檐花晚更落徑竹剗頻生蘿圍新帶瘦蓮緝故衣輕把
卷還捐卻齋心難自榮依然沈家令愁絕庾蘭成無多身
似芭蕉實證取同時藥地僧

壽績溪胡荻洲六十初度

其族子培系同客
杭州書局屬作

道樾庸行晦斯人得其真華繁衆所競松桂亦餘春豎歛
萬山中鄉俗如周殷浮妍旣刊落喬柯緬輪囷秦州瀕清
冑講學爲世甄孫枝見令裔遐哉几蘧民一冠垂卅年隻
鷄奉偏親豈惟君獨善村落共敦仁

藏丹春山表續玉帛圖裏上堂問起居鄰比每色喜昨占
農丈人秉耒歡茲始雞桴與綜柵一一具甘旨方修冀缺
耨潛感白季使祭器及燕噐欄庭次第起旣念承宗祏方
思睦支子吹花浮巨觴復丁期久眎褐衣懷十城山梁斑
一雉如聞董生行嗟哉人所軌

古詩

庚午

黃鵠銜竹實飛來太山側植之壽命長生理孤且直日月
起牽牛周行將復始行人日向南漫漫三千里朝發能幾
里暮來風又起妾獨懷隆思沈綿滯難理望舒離金虎元
雲起重霧夷塗非昨軌行潦一何深愁霖乍開霽日出正
當心但照君行處墜懼難重尋何以相存問遺之青瑤琴

其二

庭中有奇木終歲常端正長夏變明晦積霉蔽光景望遠
心已踰表微君自省悃素雖未達豈隔影與形年命如金
石仰恃北辰星

磊磊海中石

浮浮天上星磊磊海中石精爽本交通委實窮島嶼星胡
實而爲石感神光之斐斐汝不逢申徒狄之嫉世無人裒
而湛兮將安歸

游焦山

紛紛牂羶灰已寒焦公去今復幾世巋然一邱青瑤林縹

渺浮空碧天際大江西來自楚蜀萬里輸瀉狼山東奔流
一曲復一直到此粗沙悍石相磨礪至今山根齧江水石
壁返照蛟涎紅試登高處足垂外似與波濤爭長雄豈知
山性本來定中有積氣非天功海童負舟傍新步委迤拾
級青蓮宮僧持竹杖導我入微徑詰屈蜂房通黝然古鼎
皮菌閣不知採自何山銅華陽子逐元鶴去尙留斷碣言
厖鴻松風泠泠六九字天監井闌差許同筆勢甯儔八分
顧銘詞定出三層宮人間樵隱何分別且學攝生方兩踵

望攝山

林衣禿遠岫何處有樵人如見明承烈蕭疎笋籜巾談經

言卷二
敷廣坐隱藪閉清塵日暮野烟合遙看翠鎖闥

十月二十二日自復興集返北譙卽送薛夫子往秣

中書院兼寄戴子高秀才

爰生錄錄少奇節乾笑依人似馬曹谷神行將師老嗇狀
體久矣輸韓豪朝入淮南山飲公玉色醪丈人醺醺有眞
意年未五十辭旌旄甯餐道士煮白石不與小兒舖濁糟
超然脫去世議外坐畏蒼矢煎蘭膏出山同騎兩款段歷
險不騁詩韁牢西望芍陂東尉氏涂塘舊戍夷爲皋拔山
之力困於此東城摺拉爲劉薶平原燒枯出境塙古木鬣
短垂松毛長途野飯不忍別舉手欲贈無錦條北譙茅茨

眼中見野老爭席厨童警晨餐過午吟至卯門前落葉埋
牛尻少撻浮榮作計誤壯悔襍學徒嚙嘈淺耕時虞鹵莽
報碎義復戒支離逃荆陰德易三五運出律入禮三千條
越鷄不足以語化梧鼠所鑿欲從夫子問涂轍故
技媿未捐檀槽尊經弟子冠常滿懸解咸釋吝與勞戴君
名理日疏鑿如以清耐澆煩熬幾時相就決滯義羣碎不
數曹王髦危亭欲訪割青古傑閣每跂飛霞高裏糧衝雪
渡江去雋辨一發新劘刀

吳中留別州倅胡丈

江海頻年賦遠游吳趨歲晚滯羊裘喜從季偉分春餅未

向陶奴索米舟里開會同村酒熟支離無賴篋書羞何時
畫諾如滂俊一洗人間骯髒愁

紫溪嚴瀨接叢祠秋社春祈入夢思但使土風深且厚何
妨梧几靜忘飢於今石室無仙侶且復皋橋作吏師浩蕩
無端異鄉別夜牕談似結鄰時

除夕常州舟次遇雪

旅泊臨殯岸崢嶸逼歲華銀花妝襍樹冰蘊閣浮槎漁火
村村酺楓林驛驛賒薄醪不成醉應有夢還家

望嶽 辛未

何年湧地出巖窾散作浮青數點峰一氣空濛走溟渤雙

丸隱見宿長松誰探玉檢千盤頂試覘金仙九節筇雲欲
出溪還隱去紫烟待叩灌壇蹤

記明堂物名詩

太山明堂惟見孟子不見他書明堂之制說者多異同行友人屬爲疏之

不足以詩論也

恭承聖人出調燭四時和太乙下紫宮出入日月離四正
及四維還從于中央介邱靈翁絕有事彼方明託始于炎
帝炎帝秉赤精奠民既有居明堂始經營上員明外景下
方幽內光日月入構榼風雨在其旁軒轅含樞紐合惠在
厚土會朝于合宮洞燭無斃字英英茅三脊璇原在其側
日中而不燹含明氣當食增臺爲重雲命之曰昆侖昆侖

有木禾金鼎采其真唐姚爲五府玉衡考中星青赤與黑
白土絡建惠刑爰始爲五室倉龍夾熬樞白虎爲遊樹朱
鳥味其隅多龜頸縮殼未廡羅丰蒼赤白兼黝聖四達而
八窗大錄于總期六宗及冬春東巡萬玉至燔柴岱是先
妣氏當金惠世室載冬官冬官古水正司空固世官鸞輿
卑法地織施舞溢方黑統用元牡坐法布五行園水法左
旋太室象紫垣羅絡于中央出入候天門正南爲明堂煜
爚主太微浮恩綴露網絳樹交珠璣西出於總章演漾宅
五潢流星如枉矢淨洗爲金祥迤北會多堂複道當營室
負陰以向明主術在袞一俶東爲青陽天市首憲同木正

輔蒼令肇朕始岱宗旋居于法宮神明忽若遺宅根于后
土媼神兆蕃釐帝乙秉水運重屋實政典息慎通中國文
物由商纛重檐垂四阿質家制亦尊陰羽隲王廷九譯貢
殷宗姬氏榘木惠明堂羅七始上窮緯度愆下飭雉門理
元封二年秋帝心忭登封胡爲公王帶稱名昧其庸
聖世在命祀執要擊道樞明堂爲大法馮翼翼廟謨

靈祐寺藏經歌簡同厲楊守敬

時入都應
春官試

西方聖人詠於詩豈惟列子文堪摩初無文字性偏知後
有文字相則那經星走藏緯星實流入震旦平無頗北方
譯義重安什理解融釋非媿嬰天親龍樹亦著論摧滅外

道偕提婆宗門止一花五葉後來末法翻湮譌衰於楮喝
波旬出以妄爲道眞爲魔迦維託生母淨妙羅喉衍法妻
輪陀似聞仁孝出至性勿外倫物求陀羅黃梅結庵便將
母得法還度偏親幡精誠所至格金石豈假外護張毗沙
雲栖頗有廓清力淨業所得存虛和昔年學道東海上興
化中允刊白窠續游焦山大風作不闕全藏心蹉跎元關
難扳俗緣重安得靜翮巢安柯北來兀兀抗塵土待詔金
馬隨奔波宅緣詫見萬貝葉目迷意正涕滂沱塵昏度閣
景罕曜棗木鏤畫誰重摹赤文玉簡闕潭洞石梁鷲嶺捫
織蘿比屋楊生啖白粥腹中醴醴羅籀蚪嗟卑處賤無乃

病會見華雨施威儀大聖絕糧宋樹伐釋迦乞食窮桑過
詩成脈脈不相見欲語先噤畏人訶

渡齊河

曉從齊河望太山獨立亂石杉松間夕行入山不見麓又
疑身在天門關
管夷吾死齊無士無復雄才塞八流稷下瓊裾陰大澤人
間燕雀暮啁啾
木公賜我脯紅虬入水猶能捽汝頭行店昨宵山雨猛朝
來竹箭看河流

小車行滌和間大雨驟至是夕宿西澗用去年北譙

詩韻作一首

圍山行炙營未就此意孰與高敖曹徒御租車溼雨簾擔夫爾汝誰能豪費禕董允爭得失蜀事終敗遺繡膠未須

小節論態度謀國何故臺營糟

蜀費禕董允嘗會弔許司徒共載鹿車微雨霑衣允

衣又傲惡慙沮失次禕神色自若比至葬所諸貴人自諸葛公以下咸會冠衣整潔車蓋如雲允伏地流汗遽起從他道還禕行禮進止俯仰有光允父和聞之以是賢禕而劣允後允為尚書令黃皓憚允嚴直終其世不敢為非及禕為政任用陳祗祗皓相為表裏蜀祚以覆後禕卒以底

窪鞅窄被以毳似跨丁櫟頭垂旄忽然猛雨四注野波濤動地流脂膏二分垂足畏欵仄石古路滑焉能牢磐紆故繞雙堠出前山碾過開平皋落衣下覆龍骨臥兵後荒畛

連年薶草樹青紅多璅細怒茁地上生豪毛奔崖隨風欲

東去有如快鶻辭枯條雨師社鬼各稱賀獨有魃女翻嗟

警茸茸夕露深沒脛激激溪水寒侵尻笋根稚子已走避

松上蒼犬無藏逃微聞夏侯倚破柱手把經卷承豐槽藝

槐略睹水火戰

莊子水中有火乃赫大槐言雷火著樹

莊生之論非噴嘈空

枝右望復左攫爪角欲折蒼枯條蟻熊睽陽聳楚阻風雨

盪決塵秦饜北譙南豫辨僑治鈞稽載籍何嫌勞昔稱江

外歷陽北秦堅魏燾如沸熬前朝往往列屯戍鎮西幕府

多英髦時平江水澹乎澹事去神山高復高暮投村店沽

酒宿明發一葦杭漁刀

王東木隱居詩

青田洞旁去素翮飲流霞句曲山前路多田養玉雅松如
折釵股石似剖丹沙相伴長生術何年棗類瓜

靜坐問答二首

素抱安澹薄息鞅謝膏脂本乏干祿情擯旋自京師幽居
滁山椒良辰暮茅茨炎天嚼冰雪所賴先民辭師資多違
緬瓊琚贈何之頗得夙素侶道茲證良知披尋雖有限神
解悟不遲尤戒棄灰篇申申鞅與非感子懷明惠靈臺蕪
欲治濁水索亡珠俛拾理在斯蘧蘧生道心中夜渙若怡
願保歲寒志苦口不復疑

神明薄滋味道惠遺華縟幸得託君子晶晶瑩心曲禮經
厲微言時時自檢束積誠通自然手足何為局礙彼纂華
組何能免流俗初陽常護蒔微陰慎勿續二至戒檢身肌
革乃充足先正勵晚學取譬於炳燭矧當裁盛年光景惜
彌篤大義齊貞脆單門傷熒獨勿弛來日勤所葆褐中玉

漸西村人詩卷四

瀨鄉樵隱編次

讀海州邱履平詩

壬申

窮愁凌

霞戴望

吾知舊為述邱生今異人我道異人元不

異十圍便腹蘊天真

卷中最愛華山詩幾欲凌風問紫芝形勝從來天地險蘭陵猛士鬢如絲

敬題朱竹垞毛西河兩先生合像

圖故為康熙辛巳鄭芷畦作其時朱先生年七十
四毛先生年八十同游西湖先是嘗辨姚方興所
得舜典廿八字之譌卽是年也此汪鋆重撫本

康熙鴻儒傳者幾卓犖二萬季野毛胡昭明朱詞科布衣
數已未蕭山秀水夾江居頗聞漆書訟今古桁頭佚字疑
有無冤詞差不敵疏證經義一卷存圓栝初晴八十猶甚
口瓜皮竹杖同浮湖吳興鄭生阿堵筆或腴而短頤而臞
公寮從祀究應罷郊配西向良非誣儒家得失每參半誰
其剖析鶴與鳧汪君手摹羅聘畫野服奇古形模殊東南
之美兩竹箭元氣壽與湖山俱

戲答真然

揚州福因庵住
持一字野航

黃山松精頗相識金虎玉羊朝望色道人絕粒謝世緣裂
洞穿厓有神力兩趺不韞溼漉漉飢啖玉延夜栖櫻松毛

硬似古釵脚雷雨漫空灑勁直一軒幾載天都峰起看人

間地輪蝕跳身欲入壺公甕戎帥牽之陽隴種卅年世變

閱浮烟一日山深躡飛鞚強令野鶴入官府何似家鷄放

潭洞賜紫不知動幾轉浮青但作笛三弄

張文毅公督軍
皖南嘗招致之

長老不應俄
仍入黃山中

茅山石乳如酪湮爾不歸尋雲密縫水如碧

月度纖蘿山似晴虹蟠畫棟入山恨不攀飛仙坐覺身軀

烟火重須信流泉能洞石漸看積水遲凝凍不持木榻膝

曾穿浪走十方要無用晚歸竹西作畫師無復前塵擾清

夢綠楊城郭結清娛遊戲薺淨供盧胡清修但喫肉邊菜

丹霞還存佛性無

元太保劉文貞公回文鏡歌

鏡徑圓三寸鼻紐刻鳳一雛二輪廓篆二十六

言銘曰光輪承熙朗曜湛迤長明恒持廣照萬曆又曰孿生迴文壬寅秋秉忠製回環讀之得四言三十二首公弟長卿名秉恕仕至禮部尚書似卽與公孿生者秉恕子蘭璋還爲文貞後鏡今藏商

城楊鐸家

湛然居士光芒續六妙門中跌白足青銅一片出世間要
使方良魑魅無留躅土花落繡經幾春商城楊子摩挲熟
交螭鏤鳳驚市人大似秦燔留漆竹背銘認作聰書記拂
拭光氣猶肅肅蒙文不署虎兒年淨業常依龍樹宿奇渥
真人兆中統邢臺令史栖武安作鏡之年裁廿七南堂野
衲清齋寒文家据隱質家見孿生莫考義所安墨名儒行

古未有天生異人元羽翰遂持梵服侍帷幄十事九中著
龜殫勸農養士萬言筴黔首裁獲蘇痍瘕一朝王鶚寤上
意始改金紫加巾冠藏春一集絕蕭淡萬物不能靈臺干
當其握鏡登丹墀大政皆自公發之桓東灤北工作雒善
建不拔穹都基色辰皇帝寶人不寶噐臣有六鏡能使四
方上下無傾陂完完青陽鏡光燭神州東鳧與滿飾夷列
九解辯作貢魚皮同沈沈白藏鏡雪山西頭斲面服百城
寘吏受約束天戈所臨角不觸南條一尉夷滇池北戒一
候戍金微上推日躔離禮飛入赤道內下窮河峽寒玉萬
頃昆崙陂森森百怪無不有那識寒芒入人手賢哉公平

古所無金簡珠囊洞穿牖孤虛術秘世莫聞一鑑今亡贊
者后始知汗馬收心地以靜成學良非偶後來傳書出依
託謂玉尺經之類恠妄翻爲公糝垢雷蟠電掣六十春此鏡與公
長不朽漂流十一度壬寅壬寅之歲當宋理宗淳祐二年乃馬真后稱制之第二年也明
年癸卯耶律文正始卒錦暉金題記誰某令君雅有吉金癖紫電紅
光出解蒼大峨仙人不云乎人生安得如汝壽

午睡

我家山水縣水檻納環翠石幢影頻移磨厓剔奇字客游
迹遂疎雲昏翠微寺奔泉入竹流欹松動遙吹靈茅白三
脊赤箭秀六穗時聞有仙迹俗士未嘗至山人不歸山峰

峰自相媚今朝欹晝暝感夢有奇致如聞巖籟發濯我靈
府異蕭蕭雨入霽空濛含日氣

濯足

我生十餘稔濯足西澗曲游鱗依空潭倒景汲山綠石壁
映圓渦清暉盪寒玉暖未好自搓鶴咽無宛跼蟻鶴皆能導引養氣
故多壽董子繁露云頗稀無垢人少思兼寡欲自蹋炎州塵路滑防
墊足近依老氏戒畏涉世湛濁竭來洗兩趺養目戒爲目
汙汙蜀岡水疑與龍背觸一濯身始輕再濯返初服

盆山種松

移得東南一小枝春來金檢玉繩泥卽看布肘知尋日便

有干霄浴日姿

萬年根不滿徑尺三月花猶香一峰寫入荆關好東絹孫枝合領小侯封

清溪謠

銀漢無聲清淺流爲誰流下古西州齊梁宮殿餘荒邱相與諧熙南渡頭

清溪卅六曲芳艸年年綠南岡小姑不得渡龍脈低窪水

沒足

沈慶之詩所云徒步還南岡卽清溪南岸明紫禁城在馬上承八功德水地勢最窪下

翠翹金鳳皇山額隱輕黃洞房臨淥水含悽羅帶長

羅帶子大似清溪水廻環抱山駛

清溪廻雪綴碧流溫兩頭玉樹由來共根

卜居

濯足八功德水栖心二定林間問我言歸何許槁梧小隱藏山

雲變化

幽雲如龍蹲營雲如駿奔并雲如籠車冀雲如穹閭亮雲如卷旆青雲如張蓋豫雲如剖甕徐雲如驚鞞雍雲如廣宅涼雲如匹帛梁雲如甌炊益雲如漏卮荆雲如燔石揚雲如挂席東冶南粵間雲氣如皺塢濺雲削而卑韎雲嫩而披交雲積而布緬雲織而俯莎車雲似墨赤谷雲似織

英雲火之末俄雲潮之初其氣若幡船耗我陸海儲或窪
雲若白或懸雲若肘或飛雲若蓬或立雲若塘或澤雲滂
礪或谷雲淖約或水雲草衣或山雲萋萋或棧雲虎臥或
尸雲蛟唾或凝雲肩頰或散雲笑哈我知世間雲皇惑如
蒼狗試問山中雲招隱深且叻綻雲以爲衣屑雲以爲糧
欲知雲變化東西各浮揚何如返巖穴濛濛石根香六氣
所迴薄食之壽命長

劉石庵相國有談禪雜咏戲和其八題

觀我詩

生非汝有物常攫脍似甘蕉只暫榮知否淨名方便力堅

牢須向止觀生

生

雪裡山看紺髮幡風來面皺亦觀河如何駐景丹邱訣偏

說收功一漑多

老

道人示病卽無衣日減支離舊帶圍到底蒙莊能作達柳

生肘喜客將歸

病

恠見壺邱似溼灰月逢納乙亦輪迴

友人莊中白言易氣最重消息參同云節

盡相禪與繼體復生龍消剝入息復

出震觀此似大轉四輪之說良非無因三番多事鳩摩咒

笑荷劉生一錘來

死

觀物詩

勾漏空留鄧嶽書花開海棗事全虛赤松聞說隨風雨何

處晴天一訪渠

仙

朱泚聞與豫且謀畏彼千金技見囚世議隘時神物困葉

公昨又悔輕投

龍

莊稱髑髏南面樂釋云六道一泥犁未若易家工見狀物

論難將二氏齊

鬼

羅浮五色衣遺葛漆園千年寢化周信有天機精妙處一

畦烟草逍遙游

蝶

一日中含四序周化機代謝况遷流有涯試覩无涯法孰

主宰是晞前修

總贊觀我

惟蟲能蟲蟲能天各有食息隨機緣觀衆生度無一度亦

不繫著牛頭禪

總贊觀物

觀荷蘭刀劍

吳郡中家夜集作

欲知劍德在劍室宵練含光故無匹何年盜取區冶法碧

眼蠻奴販中術荷蘭島在條支西工鑄佩刀重鋒七魚皮

裝錯碧晶瑩鵜膏淬塗氣讐慄其來萬里走不脛切物如

泥百無失况聞火器利無前礮綫攻城量密率軍器監亦

仿爲之異狀千名難殫悉武庫今儲十萬仗天馬蒲桃方

略出將令尉候謹防秋坐致車書期混壹上策莫如先內

治自勝者強明所述大制何煩一割效利器須闕三淵疾

鯁生昔厲築邪城戲遣胡兒吹鬢策城頭月小海水溢動

兩三聲眼淚出今逢公子廣陵濤脫贈寶刀佩之吉宏景
造丹名善勝黃石公以柔爲質縱橫劍首試一吹剝落皮
膚惟見實

婺源齊翁年七十餘矣昨游焦山用坡公韻作詩枉
示因答和

黟中齊叟古須麋小別五年淞滬海一枝藤倚筋骨健此
老滑稽真自在焦山黃葉落坡陀翁欲來時江始波絕壁
庵頭看江色落日未落餘霞多廣陵城下臥歸櫂讀書品
泉期十日入山僧閱幾茶毘題壁人亡斷書赤赤尺古晚
文通
猶耆學厭糟魄獨探焦仙洞深黑雲泉一掬洗眼明浩歌

更令山鬼驚邇來漸不爲人識敗匪猿經無長物途窮僦
屋雨藏山枉訪湛冥笑我頑投門漫刺誠可已好事猶煩
致薪水

又和游金山

汪容夫校寫文匯閣四
庫書於精法樓下今燬

病鶴一昔逐蘇耽酒船訪古江之南金山精法樓久圯油
素十不存二三坐忘老去尙愛讀有如抽蛹眠吳蠶藏經
劫火亦何有暗疏默寫吾真慚窄波金碧未云復但有巨
石蹲江潭中灑乳穴久沙礫秋老叢荻霜風酣承平樓觀
予未習故事題刻翁能談江山摧遷閱過客鐘版荒寂餘
枯龕風林水鳥佐梵唱寒泉苦茗澆芳甘詩翁秀句斲山

骨強韻律切心猶貪憊予瑟縮倦登陟抗和豈復顏行堪
據梧第與山木槁幾日芒屨尋茅庵

太山秦刻石殘字撫本題後

臣斯銘詞久漫滅存者上章言幾行務令金石刻明白秦
法初并六暴強親軋遠黎陞後嗣二世詔乃鐫其陽銘詞
夙具自蜂準詔書晚出年相望祥符東封始揭獻俗書世
好嗤隋唐壇山誰珍稷帖競無恠寶氣千春藏荆公詩誰
珍檀山刻
共賞蘭亭帖玉函登封已盜發山石慙劫猶雷碾後來歐趙錄
模本鄒嶧棗刻難雁行玉女池邊蝕風雨碧霞廡左列偏
旁乾隆之初燔野火龍劍化去無光鋏從茲見者祇傳刻

舊揚出以多金償比伏生書裁廿九河內發屋存縑囊翔

鷹勁疾鋏陷壁外勢飢屬中箕張年深石泐紙癢駸聯星

綴明珠垂芒當時從臣才第一咸推上蔡媻且良雄詞篆

刻徧字內以愚黔首旋陸梁三公具銜味死請存字證取

瑯玕詳秦刻石文凡七二世元年春之詔書七處當同詞
疑會稽地僻遠未及上石而東南兵起故無可考

非必原石亡泐理或然也蘭陵一老實師事頌體略許參成相文嚴義

簡氣摧廓欲掃儒墨拘攣障荀卿書疑出竄改盧抱經先
生謂荀子

非十子篇堯問篇多有門人李斯之徒以意增損傳會之處曲學媚世何披昌背師乃

坐燔六籍破籙有意傳三蒼斯誠通菽佃規矩下眎艸隸

猶糝糠

詩卷四
霍山一首上致仕少寇吳竹如先生

霍山爲南嶽秩祀禮有加右職視公輔火正平南訛崇翠
積巘嶂中含四時和表裏石洞徹體骨雷霆磨終年聳寒
色上有長松柯介邱抗天柱垠墀排角牙剗之爲平阜使
可產龍蛇青春化鷹鷲白日馴麕麇天篤生異人異人復
如何朝誦中庸記夕肄小學科柔厚藏剛夫異人匪云佗
耕山出玉甕漁水釣金梭履秣在坦蕩箸書闢奇衰心心
視穀種念念盡汰沙媵媵警食息脉脉課萌芽日日所經
秣步步不離藹以茲守身術水火不得瘥俛視衆小山矢
枯石用滌媚心沈大氣刊落冬春華常懷拯濁世譬塞決

口河奇力獨爭上蛟蟬毀其家精神滿廣宅性命如匏瓜
出爲牧與伯美政燕齊多入爲理與平荆章刊過差抗疏
補遺闕

聖惠崇嵯峨廷舉白獸樽微忠破槎枒上言

乾學大下言暑民嗟庚辛鑿不遠脛股蠲煩疴憂時萬感
集諫書敢忘規引年乞長告迴首昆明池杖藜垂八十霜

鬢久已蟠勤勤良相招

湘鄉相侯曾公雅重少
寇招致館鍾山下精舍

止止鍾山

阿鍾山少靈氣公至鍾山嘉我行欲見之無介涕滂沱見
則荷飲食雜術煩撝訶公毫不登朝蒙壯投幽遐上書欲
自達又恐羣吠擲元氣坐不養苦心浩無涯逝將從公游

湛湛水增波江都謁董祠心師玉英姱紛華未戰勝一念
踰新羅興化事劉子又隔瘴海窪微茫搜一髮障目猶全
犧懷公江路永思公鍾山儀良箴冀乞與長言厲詩歌

敬觀射陽湖石門畫像拓本

烟雨未全蝕星移漢畫斑素王參柱下元石出人間道術
存流別風期契往還兼看濟州揚興象悟蕭閑

浯溪頌

少習元人書側媚眼中未見麻姑壇欲除結習靡曼氣揚
取浯溪厓字看

次韻方子箴都轉重建平山堂落成之作

堂成突兀俯增岡水北山南總面陽檀施公應同外護劫
餘山亦老名場晶鹽粲供形成虎偃蓋松栽氣似羊幾點
浮青望京口隔江山色晚蒼蒼

霧霽蕩花紅滿湖堂下碧艸畦蘼蕪山暖嘒處正亭午水
鳥飛來成畫圖使君擅場出妙墨釋子傳寫操奇觚頗聞
廬陵有從事作記將屬眉州蘇

地震詩

同治十一年六月壬申夜維揚地震連延數州先是
五月甲申朔日有食之凡疇人推日食非正陽之月
不爲蓄故予默也踰月復有地震之異則爲蓄矣時

客揚州作是詩

同治壬申斗插未月十九日時初昏江都李氏行炙食酒
生魄于巽裁逾辛微雲積波光炮地四壁如削邱昆侖歡
呼劇飲取喧鬧萬籟夕息癡龍蹲忽然墜形翫翫起自東
南屯始自戶外履仄旋于金堂上蘭房千氣萬力搖天根
墨翟嘗云纒闌虛纒間果有禺強存禺強鳥身而人面負
乎地絡之陽地絡之陰靜處天中央吾聞地德方以靜禺
強何爲掉磬使側殃吾將筆禺強背別禺強足使其蠱屬
潛伏藏又聞地勢橢員以動東南傾南海之神曰廣利
國有中祀王胡不禁恠物祛貪狼土石下有精罔象與犢

羊此皆小怪耳不足搖撼九地藏少讀李膺邳州事大蛇
翻身陷土中天五之精生后土后土富媪何故使之窪掩
隆春秋五地震齊楚宋魯邦咸鳴鼓攻社五兵斷黃壤賤
陰而貴易媪神遂豐穰又聞伏生言黃眚軒黃祥木金水
火四者來沴土一不勝四爲凶殃山胡爲而摧圮石胡爲
而雷硠常羊報惠背陽蹠通之維誰祓彼不詳后皇地示
方澤祀之秦折瘞帛燔柴配之黃后之府亦有大臣胡爲
戰戰兢兢如冰而臨淵上不敢眠天俛不敢畫地任汝
怪物齧地柱排天根重黎氏小臣涕泣于庭而言曰地行
賤臣再捧后皇武且神皇地之示有災怖賤臣敢愛血灾

身行將器九閭排金門九閭虎豹當門居無由有小臣蹤
小臣涕泗走之南邦小臣力能撞大鐘考大鼓無由上徹
明堂聰九地有四岳九天有三公三公上居帝左右拱衛
泰壹紫微宮臣告三公公不汝從賤臣拊心不得通地下
有共工口狺狺角蠹蠹張嘴衙衙來觸不周之山山爲珊
天爲折河爲塞地爲裂羊馬膾血腥聞大都此是咸同年
間事利器輕示蛾與狐賤臣力薄不得除共工欲先去中
國之蠹鵬毆之徒三蠶繆牙元氣亡其都三蠶旣掃除天
清地復廓六螭扶屬車

聖惠深厚如地高明如天得一以正乾之樞三五旣識職

羣臣望之如天卽之如地右五緯左九區大開明堂管角
端握彗珠鏟赤縣尊黃圖又命南正重火正犁齊天下之
不齊犁汝司地作右輔復命司空佐汝大麓風雨毋愆迷
益以神威四將軍號曰征鎮安平西伐材銅山握銅虎開
府和闐及伊犁凡西之人崩角稽首歲在卯酉輸其羊酒
高者高下者下彝歸彝夏歸夏各有人民不相娶嫁日三
月成時月三日爲霸各各幽明晝夜刑誅惠赦叟顏如童
兒曠不暇男無寄緞女無逃嫁懷眞抱樸治返于古日月
在上爇火罷謝吾聞漢張衡解造地動精銅儀三公不覺
衡知之衡心無由明驅向泰山而望所思吾聞齊有奸太

卜自言精誠能動之晏子心知之鉤在房心間地動良由
茲嬰心無由明臣昔經晏城欲以特豚春祠之二臣皆良
齊漢之主未知之又聞歐羅巴人祿天九祿地九又測五
緯之外新五大星地圓如大球五星爲球刑星觸球傷地
且毀神鬼不得扶長人不得支撐天地日冥冥管仲能知
地圓不能知大地如球形東有蒼色龍福惠爲汝名何不
以牙角觸五星瀦五星宮母使停南有赤翅鳥嘴赤翼紺
啄大魚能食相柳肉不能味加五星使西驅中央大黃精
鎮壓嵩高山下有后土祠汝行壘培九地之關西有於菟
鬢望背負太陰汝不能使五精實如墜雨踏于北而漱于

南北有大兮龜七十二鑽無遺謀爾何不沈五精于大冰
海圖爾於旂爾母羞鉤陳爲羽林作衛于王家胡爲地動
不自覺食于虎賁自委蛇房爲天駟精驂服天閑無震驚
胡爲踏地不自備嚙于王芻曳蹠行此皆內外官請皆鞭
箠之臣請助殄除母令上天憂或謀以息壤鎮壓之母干
上天降罪尤小臣得告爲國舌喉二至閉關

帝心簡休盅夷粹和神明與侔道惠精剛砥平道周明陰
法易摧剛爲柔皇皇地祇永萬萬古無菑罹天地中合四
時調和內平外成礪山帶河禹強之神來告曰媧皇令鼇
負戴四維鼇性陰賊通于支祁意傾東南爲彼窟池誕育

醜類以民毒，繫帝命。禹強以鼃磔死。

汪蓋 黃山圖

未作黃山游，浮嵐出豪素。三十六峰寒，仙都在何處。天壇石上日月生，照東揚州一州曙。予家天目近，未陟局東山。

靈為掌拊，何論夢想文。殊臺蒙叟珠璣空，拾取

牧翁宗伯游黃山詩

絕佳見初學集

奇君工摹，漸僧本書已。娛人况真觀，連峰斷厓非。

一狀如牛飲溪虎，巖踞海底雲。消出梵宮林，端鐘動知樵。路陰陽晦明，多變幻清景。老筆能留住，讀畫君真移。我情勝處茅菴時一遇。

昔聞軒皇鍊丹沙，玉女容成挽河車。浮邱公亦助藥錄，遺

俗歲久還成家。丹成餘水洒青壁，呼吸靈氣紫烟客。至今石上走虬龍，長出破爪皴鱗松。憑君攝取生綃裏，老服松脂尚壯容。

贈柳賓叔先生興宗

治穀梁春秋

阮公猶及侍清光，投老無依屢絕糧。獨耆更生傳，古學還從武子得。餘糧鹿裘帶斷繩，堪續竹節丹成眼。忽方且喜禮堂須寫定，瑕邱待辟石渠郎。

海雲長老以種瓜圖屬題

安吳包倦翁學書弟子僧臘已望七矣

閻浮林開金麗，穀菴居長坐。團焦屋青門，瓜地轉眼非。方外猶殘一畦綠，水光山色近禪智。抱甕灌畦清似鵲，竹西

亂定金碧毀園篋三條一飯足頽垣柵斷作籬門戲種瓜
瓠蔓喬木梵餘巡圃手攜鉏露葉烟苗青滿谷顛素會聞
多種蕉滑澤肄書勤手熟道人頗傳菘舟說倦翁筆訣列
心讀至今艸隸腕濃枯蟲網絡壁勁還縟俗流一筆不輕
與吳郡書譜韋幾續老來野性猶傲岸夜燃松肪作滿幅
支棚結夏飯青精倚杖凌秋刷黃獨瓜花落兮瓜蔓稀小
摘餘供山鳥啄頗藏石墨許攜示待拓晴窻手抄目已公
茅屋擬經過茶瓜留客期還卜

泊四源溝楊石卿大令

鐸

時監稅栖此有贈

楊君老去世緣刪小隱監門吳楚間策杖狂尋瘞鶴碣隔

江坐對栖霞山寢邱三老紅顏壯淮上九師元髮斑一飯

雪天留我共扁舟明日又滌關

君光州人
久客淮上

尋碑欲補授堂跋石墨千通東筭森欲結茅依漁父住却
愁符下長官侵三冬文史娛還足一榻齏鹽語已深小屋
如舟風畏卷看君危坐又清吟

溫州府 函 示 錄